

Boux Ak Doxbeg Youq Lingzyinz Doxdax

摔跤健儿凌云竞风流

Bi 2016 Guengjsae bouxcoz nyezrauh doxdax doxbeg 7 nyied 21 daengz 24 hauh youq Lingzyinz Yen banh, daengx gih 14 aen digizsi 17 aen doihdaiqbiuj gungh 401 boux yindungyenz bauqmingz camgya doxdax. Dwg gaiq doxdax doxbeg gveihmoz ceiq hung、vunzsoq ceiq lai he, doxdax laebmiz bouxsai gujdenjsi、bouxai swyouzsi、bouxmbwk swyouzsi doxbeg. Ciuq cam rox, Baksaek Si Doihdaiqbiuj gungh miz 32 boux yindungyenz camgya doxdax.

(Siuh Fazlingz/肖发凌)



▲Bouxdoxbeg cingq doxdax.



▲Aen gaihmusiz doxdax doxbeg.



▲ Gyoengqvunz humx youq henz dongfeiz diuq foux.

Dwzbauj Banh Daeg-saek Dongfeiz Vanjvei

德保举办特色篝火晚会

Mboengqneix, Dwzbauj Yen Mbanj-nazleiz aenmbanj miz daegsaek Bouxcuengh haenx banh daegsaek dongfeiz vanjvei, ca mbouj geijlai 1000 boux dangdieg beixnuengx Bouxcuengh daeuj yawjngonz camgya.

Vanjvei hozdung miz yienj ngeihyienz ndokmax、eu fwen、cai vahduenz daengj cezmuz ndeyawj, hawj yienhciengz bouxyawj roxnyinh daengz vwnzva heiqsik lajmbanj Bouxcuengh naekna, doengzseiz hix cungfaen baijyienj le Mbanjnazleiz aenmbanj miz daegsaek Bouxcuengh haenx swnjcienz caeuq baujhoh vwnzva minzcuz aeundaej cingzeik ndei. Gyoengqvunz fwngz yien fwngz humx youq henz dongfeiz riengz go diuq foux, vanjvei nauhyied raixcaix.

Baez hozdung neix mboujdan fungfouq le gij cingsaenz vwnzva saedcej beixnuengx saujsu minzcuz dangdieg, lij gyavaiq le aen yienh neix doidoengh yamqdin daegsaek minzcuz vwnzva lijyouz hwngfat, coicaenh gizdieg minzcuz ginghci gwnzbiengz hwngfat caeuq seveicujyi lajmbanj moq hwnjguh.

(Nungz Yungjifang/农永放)

Lozcwngz: Vwnzyi Biujyienj Baij Fungcingz

罗城：文艺表演展民族风情

7 nyied 21 hauh, Lozcwngz Mulajcuz Swciyen youq aen yienh neix Minzcuz Giyen banh aen cawjdaez dwg “cingcinj vut gungz、vwnzva byaij gonq” Guengsaej “sam gih” vunzcaiz haeujcoengh dajveh bouxguhong vwnzva cienhangh hengzguh guhhong Lozcwngz fugsah cwnzggoj baijyienj vwnzyi vanjvei, soengq “donq haeux vwnzva” fungfouq ndeu hawj bouxyawj.

Ciuq cam rox, fungcingz gofoux Mulajcuz 《Sing Ndeu Go Daeuj Sing Ndeu Fwen》 dwg daiz biujyienj cezmuz aen yienh neix vih dajcaux minzcuz fungcingz lijyouz cauxbien he, neiyungz baugvat 《Nuengx, Bae Youz Lo》《Bae Bo, Bae Bo》《Fwen Cuk Laeuj》 daengj biencieng, cujyau yungh ciengzgingj mbouj doengz、cingzgingj mbouj doengz、fuengsik mbouj doengz gyahaeuj Lozcwngz minzcuz vwnzva yenzsu Mulajcuz yienhda haenx, baijyienj gij vwnzva caeuq fungcingz gaeuqgeq Mulajcuz saenzheih.

(Mungz Cwnghsw/蒙增师)



▲ Bouxyienj youq gwnz daiz yienj heiq.

Sanhgyangh: Gyajseizhwngq Lwghag Nyaengq Hag Dinfwngz

三江：学子缤纷假日学艺忙



▲Bouxswnjcienz son lwghag boq aenvenz.

7 nyied 21 hauh, lwghag Duncuz youq Sanhgyangh Duncuz Swciyen Linzhil Cin ranz Yangz Bingzyi bouxswnjcienz feihyiz giyoz Duncuz lienh boq aenvenz. Gyajseizhwngq seiz, aen yienh neix banh “feihyiz hagdangz”, cujciz bouxswnjcienz feihyiz caeuq canghheiq ndawbiengz dangdieg daengj son’ gyaug lwghag Mbanjdung Godung、Vehdung、giyoz Duncuz daengj dinfwngz feihyiz, hawj gyoengq lwghag lai hag lai cungj dinfwngz, angqyangz gvaq gyajseizhwngq.

(Gungh Bujangh/龚普康)